

*Ad verè Illustrem & Generosum virum*  
**TYCHONEM BRAHEVM**  
 Dn. de KNUDSTRUP, ASTRONOMUM PRINCIPEM.  
 Ode Tricolos Tetraſtrophos.

**R**omanus olim dum tumidos Getas  
 Infestat armis, aut mare Ponticum,  
 Gangemq; miles, inque Mædos  
 Fert aquilas & acuta pila:  
 Nullo potentem stare diu loco  
 Strinxere diuam compede, ne feros  
 Visens Gelonos, aut sagittâ  
 Conspicuos inimica Parthos;  
 Ludo insolenti ferret in arduum,  
 Versis ad imam Romulidis rotam.  
 Sic ferreo alligata vinclo &  
 Præpetibus vindaata pennis  
 Victoria, olim Cecropios lares  
 Coacta fovit. Quis Tyrio Iovem  
 Stetisse nescit alligatum  
 Compede, purpureas ad aras?  
 Livor venenum tabificum intus  
 Serpens medullis, cuncta sibi serens  
 Nil alteri; cæleste numen  
 Possè colit populos per omnes  
 Invidit. At non Dania Balthicâ  
 Superba frenatrix pelagi cluens:  
 Non illa (quamvis justioris  
 Te poterat tenuisse vinclo  
 O TTYCHO) tandem Teuthonicis darâ  
 Invidit oris. Tu patriæ tuæ  
 Nomen perennando, per omnes  
 Conspicuum volitare gentes  
 Sollers dedisti: Quisquis enim tuo  
 Ductu erudatus per vaga sidera  
 Cælique inextricata quondam  
 Regna, oculos animumq; voluit:  
 Et justiori tramite certior  
 Designet, æquid terrifici ferant  
 Mundo Comete: quis polorum  
 Sit positus, variantq; fata:  
 Sive ille latam Teuthoniæ incolat,  
 Vel Gallie oram, seu veteres Quados  
 Bohemiamq; & Marcomannos  
 Hesperiaæ utrinq; regna:  
 Votiva gratus carmina se tibi  
 Debere dicet, dicet amabili  
 Pæane te passim juvenus  
 Vranie studio & Matheſi  
 Devota. Nam te liberior duce  
 Stagyrae alumnus plurima perpetim  
 Victura, tradidisse chartis;  
 Multa tamen quoque nesciisse  
 Dijudicabit. Projiciens vetus  
 Glaucoma quo se segnities, velut  
 Autoritate fascinatam,  
 In veterum placitis tuetur.  
 Quinimmo quotquot præcipites lucris  
 Agit cupido, navisfragis ratem  
 Committere undis, & Guineæ  
 Auriferos petiisse tractus:

Quem Lusitanis ire triremibus  
 Ad Calcanti ditis aromatatum  
 Portus, in eosq; Chinæ  
 Quinzaidem Japonæsq; cogit.  
 Hic ipse ductu dum melius tuo  
 Scrutatur astra & per mare certior  
 Decurrit, ignoto vetustis  
 Tramite, dum meritas laboris  
 Grato elocutus murmure gratias  
 Tibi rependit; Tum Daniam quoque  
 Honorat altricem, imo matrem;  
 Te loquitur FRIDERICE, Regum  
 Longo micantem sphyrate: Te canit  
 Fovisse regno (non genitum Iove  
 Tyrrinimum, cervice cuius  
 Firmior axu uterque mundi  
 Pependit olim, cum Iapeto satius  
 Desessa solvit colla vicario)  
 At hunc qui inobservata signa, &  
 Perpetuos sine lege certâ  
 Frenavit orbis. Qui super igneas  
 Devestus arces dotibus ingeni,  
 Conspexit in quo fixus orbe  
 Conficeret sua signa Phæbus,  
 Phæbeque, ut illis machina terrea  
 Vtrisque centrum præbeat; ut Venus  
 Cyllenium secuta sidus,  
 Ambiat ignivomas quadrigas  
 Majore gyro. Martis ut orbitam  
 Iovisq; curram & tardigradi semel,  
 Ceu cordis instar atque centri,  
 Athereâ moderetur arte  
 Cælestium Sol arbiter orbium  
 Mundiq; rex. ut jam neq; dogmata  
 Copernicea, nec tui nos  
 Detineant Prolomæe cycli.  
 Sunt forte qui Danmarchica Martis  
 Ornent tropheis regna, & adoreis  
 Sunt forte qui regem decorant  
 Consilioq; manuq; promti:  
 At TTYCHO dia mentis acumine  
 Pridem exulantes Vranie choros,  
 Atque astra devocata cælo,  
 Arte tuis FRIDERICE regnis  
 Inclusit audax: Nominis hic tui  
 Sceptriq; famam supra hominum genus  
 Mortale, deduxit per omnes  
 Limitis atherei meatus.  
 Quis posse credat? TTYCHO tuis dedit  
 Terreſtre cælum (sit mihi fas novâ  
 Miraculum explicare voce)  
 Ille animum imperiumq; Olympo  
 Equavit. Et quæ plura fatebitur  
 Gratus labori quisquis erit, sacris  
 Non invidenti felle tinctus,  
 Vranies operatus aris.